

漢魏六朝百三家集

周北

第九十五冊
庚開府

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

V. 95

庾開府集卷之二

周新野庾 信著

明太倉張 溥閱

樂府

周祀圜丘歌十二首

隋書樂志曰周閔帝受禪居位日淺明
帝雖革魏氏之樂而未臻雅正天和元
年武帝初造山雲舞以備六代南北郊
雩壇太廟禘祫俱用之六舞者大夏大
濩大武正德武德山雲也於是正定
雅音爲郊廟樂宣帝嗣位皆循用之

昭夏

降神

重陽禋祀大報天，丙午封壇肅且圓。孤竹之管
雲和弦，神光未樂府作來下風肅然。王城七里通天
臺，紫微斜照影徘徊。連珠合璧重光來，天策蹕
轉鈞陳開。

皇夏

皇帝入門

旌迴外墻，蹕靜郊門。千乘按轡，萬騎雲屯。藉茅
無咎，掃地唯尊。揖讓展禮，衡璜節步。星漢就列，
風雲相顧。取法于天，降其永祚。

昭夏

俎入

日至大禮、豐犧上辰、牲牢脩牧、繭栗毛純、俎豆
斯立、陶匏以陳、大報反命、居陽兆日、六變鼓鐘
三和琴瑟、俎奇豆偶、惟誠惟質、

昭夏

奠玉帛

圓玉已奠、蒼幣斯陳、瑞形成象、璧氣含春、禮從
天數、智總圓神、爲祈爲祀、至敬咸遵、

皇夏

皇帝升壇

七里

一作星

是仰、八陛有憑、就陽之位、如日之升、

思虔肅肅、致敬繩繩、祀史陳信、立象斯格、惟類

之典唯靈之澤幽顯對揚人神咫尺

雲門舞

初獻

獻以誠鬱以清山壘舉沈齊傾惟尚饗洽皇情
降景福通神明

雲門舞

初獻
配帝

長邱遠厯大電遙源弓藏高隴鼎沒寒門人生
于祖物本于天奠神配德迄用康年

登歌

初獻及獻
配帝畢奏

歲之祥國之陽蒼靈敬翠雲長象爲飾龍爲章

乘長日、坏蟄戶、烈雲漢、迎風雨、大呂歌、雲門舞、
省滌濯、奠牲牷、鬱金酒、鳳凰樽、迴天睠、顧中原、

皇夏

酒飲福

國命在禮、君命在天、陳誠唯肅、飲福唯虔、洽斯
百禮、福以千年、鈞陳掩映、天駟徘徊、彤禾飾、
翠羽承、壘受斯茂祉、從天之來、

雍夏

撤奠

禮將畢、樂將闌、迴日轡、動天關、翠鳳搖、和鸞響、
五雲飛、三步上、風爲馭、雲爲車、無轍迹、有烟霞、

暢皇情、休靈命、雨留甘、雲餘慶、

皇夏

就望
燎位

六典聯事、九司咸則、率由舊章、于焉允塞、掌禮
移次、燔柴在焉、烟升玉帛、氣歛牲牷、休氣馨香、
膋芳昭晰、翼翼虔心、明明上徹、

皇夏

還便
殿

玉帛禮畢、神人事分、嚴承乃睠、瞻仰迴雲、輦路
千門、王城九軌、式道移候、司方迴指、得一惟清、
于萬斯甯、受茲景命、于天告成、

周祀方澤歌四首

方澤舞辭
同園丘

昭夏

降神

報功陰澤展禮立郊。平琮鎮瑞。方鼎升庖。調歌
孫竹。縮酒江茅。聲舒鐘鼓。器質陶匏。列耀秀華。
凝芳都荔。川澤茂祉。邱陵容衛。雲飾山壘。蘭浮
汎齊。日至之禮。歆茲大祭。

昭夏

奠玉帛

曰若厚載。欽明方澤。敢以恭敬。陳之玉帛。德包
含養。功藏靈迹。斯箱既千。子孫則百。

登歌

初獻

質明孝敬，求陰順陽。壇有四陛，琮分八方。牲牷
蕩滌，蕭合馨香。和鑾戾止，振鷺來翔。威儀簡簡，
鐘鼓喤喤。聲和孤竹，韻入空桑。封中雲氣，坎上
神光。下元之主，功深蓋藏。

皇夏

望坎位

司筵撤席，掌禮移次。迴顧封壇，恭臨坎位。瘞玉
埋俎，藏芬歛氣。是曰就幽，成斯地意。

周祀五帝歌十二首

皇夏

奠玉帛

嘉玉惟芳、嘉幣惟量、成形惟一作依禮、稟色隨方

神班其次、歲禮惟常、威儀抑抑、率由舊章

皇夏

初獻

惟令之月、惟嘉之辰、司壇宿設、掌史誠陳、敢用
明禮、言功、上神、鈞陳、旦闢、聞闔、朝分、旒垂、象冕
樂奏、山雲、將迴、霆策、蹇轉、天文、五運、周環、四時
代序、鱗次、玉帛、循迴、樽俎、神其降之、介福斯許

青帝雲門舞

以下並初獻奏

甲在日、鳥中星、禮東后、奠蒼靈、樹春旗、命青史、
候鴈還、東風起、歌木德、舞震宮、泗濱石、龍門桐、
孟之月、陽之天、億斯慶、兆斯年、

配帝舞

帝出于震、蒼德于神、其明在日、其位居春、勞以
定國、功以施人、言從配祀、近取諸身、

赤帝雲門舞

招搖指午、對南宮、日月相會、實沈中、離光布政、
動溫風、純陽之月、樂炎精、赤雀丹書、飛送迎、朱

絃絳鼓磬虔誠萬物含養各長生

配帝舞

以炎爲政以火爲官位司南陸享配離壇三和
實俎百味浮蘭神其茂豫天步艱難

黃帝雲門舞

三光儀表正四氣風雲同戊巳行初厯黃鐘始
變宮平琮禮內鎮陰管奏司中齋壇芝曄曄清
野桂馮馮夕牢芬六鼎安歌韻八風神光乃超
忽嘉氣恒葱葱

配帝舞

四時咸一德五氣或同論猶吹鳳凰管尚對梧
桐園器園居士厚位總配神尊始知今奏樂還
用我雲門、

白帝雲門舞

肅靈兌景承配秋壇雲高火落露白蟬寒帝律
登年金精行令瑞獸霜耀祥禽雪映司藏肅殺
萬寶咸宜厥田上上收功在斯、

配帝舞

金行秋令、白帝朱宣、司正五雉、歌庸九川、執文
之德、對越彼天、介以福祉、君子萬年、

黑帝雲門舞

北辰爲政、立壇北陸之祀、員官宿設、立璜浴蘭、
坎德陰風、御寒、次律將迴、窮紀、微陽欲動、細泉、
管猶調于陰竹、聲未入于春絃、待歸餘於送歷、
方履慶于斯年、

配帝舞

地始斥、虹始藏、服立玉、居立堂、沐蕙氣、浴蘭湯、

匏器潔，水泉香，涉配彼，福無疆，君欣欣，此樂康。

周宗廟歌十二首

皇夏

皇帝入廟門

肅肅清廟，巖巖寢門，歌器防滿，金人戒言，應棟
懸鼓，崇牙樹羽，階變升歌，庭紛象舞，閑安象設，
緝熙清奠，春鮪初登，新萍先薦，僾然入室，儼乎
在位，悽愴履之，非寒之謂。

昭夏

降神

永維祖武，潛慶靈長，龍圖革命，鳳歷歸昌，功移

上參德耀中陽清廟肅肅，猛簋煌煌，曲高大夏，
聲和盛唐，牲牷蕩滌，藹合馨香，和鑾戾止，振鷺
來翔，永敷萬國，是則四方。

皇夏

組入皇
帝升階

年祥辨日，上協龜言，奉酌承列，來庭駿奔，雕禾
飾竿，翠羽承樽，敬殫如此，恭惟執燔。

皇夏

獻皇
高祖

慶緒千重，秀洪源萬里長，無時猶戢翼，有道故
韜光，盛德必有後，仁義終克昌，明星初肇慶，大

電久呈祥

皇夏

獻皇曾祖
德皇帝

克昌光上烈基聖穆西藩崇仁高涉渭積德被
居原帝圖張往迹王業茂前尊重芬德陽廟疊
慶壽陵園百靈光祖武千年福孝孫

皇夏

獻皇祖太
祖文皇帝

雄圖屬天造宏略遇羣飛風雲猶聽命龍躍遂
乘機百二當天險三分拒樂推函谷風塵散河
陽氛霧晞濟弱淪風起扶危頽運歸地紐崩還

正天樞落更追原祠乍超忽畢隴或縣微終封
三尺劒長卷一戎衣

皇夏

獻文宣
皇太后

月靈興慶沙祥發源功參禹迹德贊堯門言容
典禮禴狄徽章儀形溫德令問昭陽日月不居
歲時晼晚瑞雲纏心閼宮惟遠

皇夏

獻閼
皇帝

龍圖基代德天步屬艱難謳歌還受瑞揖讓乃
登壇升輿芒刺重入位據關寒卷舒雲汎濫游

揚日浸微、出鄭終無反、居桐竟不歸、祀夏今惟
舊、尊霸謚更追、

皇夏

獻明
皇帝

若水逢降君、窮桑屬惟政、丕哉馭帝籙、鬱矣當
天命、方定五雲宮、先齊八風令、文昌氣似珠、太
史河如鏡、南宮學未開、東觀書還聚、文辭金石
韻、毫翰風飈豎、清室桂馮馮、齊房芝詡詡、甯思
玉管笛、空見靈衣舞、

皇夏

獻高祖
武皇帝

南河吐雲氣。北斗降星辰。百靈咸仰德。千年一
聖人。書成紫微動。律定鳳凰馴。六軍命西土。甲
子陳東隣。戎衣此一定。萬里更無塵。煙雲同五
色。日月並重輪。流沙旣西靜。蟠木又東臣。凱樂
聞朱鴈。鐃歌見白麟。今爲六代祀。還得九疑賓。

皇夏

飲福
酒

禮殫裸獻。樂極休成。長離前揆。宗祀文明。縮酌
浮蘭。澄壘合鬯。磬折禮容。旋迴靈貺。受釐撤俎。
飲福移樽。惟光惟烈。文子文孫。

皇夏

還便殿

庭闕四始，筵終三薦。顧步堦墀，徘徊餘奠。六龍
矯首，七萃警途。鼓移行漏，風轉相烏。翼翼從事，
縣縣四時。惟神降嘏，永言保之。

周大裕歌二首

昭夏

降神

律在夾鍾，服居蒼袞。杳杳清思，縣縣長遠。就祭
于合，班神于本。來庭有序，助祭有章。樂舞六代，
賓歌二王。和鈴以節，倅革斯鏘。齊宮饌玉，鬱華

浮金洞庭鐘鼓，龍門瑟琴其樂已變，惟神是臨。

登歌

奠玉帛餘
同宗廟時享

神惟顯思，不言而令。王帛之禮，敢陳莊敬。奉如弗勝，薦如受命。交于神明，慤于言行。

周五聲調曲二十四首

序曰：元正饗會大禮，賓至食舉，稱觴薦玉，六律既從，八風斯暢，以歌大業，以舞成功。

宮調曲五首

氣離清濁，割元開天地。分三才，初辨正，六位始。

成文繼天爰立長安民乃樹君其明廣如日其
澤厚如雲惟昔我文祖撥亂拒謳歌三分未撫
運八百不陵河禮敷天下信樂正神人和風塵
行息警江海欲無波

我皇承下武革命在君臨應圖當舜玉嗣德受
堯琴沈首多推運陽城有讓心就日先知遠觀
淵早見深立精實委御蒼正乃皆平履端朝萬
國年祥慶百靈玉帛咸觀禮華戎各在庭鳳響
中夷則天文正玉衡皇基自天保萬物乃由庚

握衡平地紀，觀象正天樞。祺祥鍾赤縣，靈瑞炳
皇都。更受昭華玉，還披蘭葉圖。金波來白兔，弱
木下蒼烏。玉斗調元協，金沙富國租。青邱還擾
圃，丹穴更巢梧。安樂新成慶，長生百福符。

明明九族序，穆穆四門賓。陰陵朝北附，蟠木引
東臣。潤途求版築，溪源取釣綸。多士歸賢戚，維
城屬茂親。貴位連南斗，高榮據北辰。迎時乃推
策，司職且班神。日月之所照，霜露之所均。永從
文軌一，長無外戶人。

鬱盤舒棟宇，崢嶸侔大壯。拱木詔林衡，全模徵梓匠。千櫨綺翼浮，百栱長虹抗。北去邯鄲道，南來偃師望。龍首載文櫨，雲楣承武帳。居者非求隘，卑宮豈難尚。壯麗天下觀，是以從蕭相。

變宮調二首

帝遊光出震，君明擅在離。巖廊惟眷顧，欽若尚無爲。龍穴非難附，鸞巢欲可窺。具茨應不遠，汾陽甯足隨。烝民播植重，溝洫劬勞多。桑林還注雨，積石遂開河。明徵逢永命，乎秩值年和。更有

薰風曲、方聞晨露歌、

移風廣軒厯、崇德盛唐年、成文興大雅、出豫奏
鈞天、黃鐘六律正、閭闔八風宣、孤竹調陽管、空
桑節雅弦、舞林鸞更下、歌山鳳欲前、聞音能辨
俗、聽曲乃思賢、感物觀治亂、心恒防未然、君子
得其道、太平何有焉、

商調曲四首

君以宮唱、寬大而謨明、臣以商應、聞義則可行、
有熊爲政、訪道于容成、殷湯受命、委政于阿衡、

忠其敬事有罪不逃刑、誦其箴諫言之無隱情、
有剛有斷、四方可以甯、旣頌旣雅、天下乃升平、
專精一致、金石爲之開、動其兩心、妻子恩情乖、
苟利社稷、無有不盡懷、昊天降祐、元首唯康哉、
百川俱會、大海所以深、羣材旣聚、故能成鄧林、
猛虎在山、百獸莫敢侵、忠臣處國、天下無異心、
昔我文祖、執心且危慮、驅剪豺狼、經營此天步、
今我受命、又無敢逸豫、惟爾弼諧、各可知競懼、
禮樂旣正、神人所以和、玉帛有序、志欲靜干戈、

各分符瑞、俱誓立山河、今日相樂、對酒且當歌、
道德以喻、聽撞鐘之聲、神姦不若、觀鑄鼎之形、
鄴宮旣朝、諸侯于是、穆岐陽或狩、淮夷自此平、
若涉大川、言憑于舟楫、如和鼎實、有奇于鹽梅、
君臣一體、可以靜氛埃、得人則治、何世無奇才、
風力是舉、而台階序平、重黎旣登、而天地位成、
功無與讓、銘太常之旌、世不失職、受駢毛之盟、
輯瑞班瑞、穆穆于堯門、惟翰惟屏、膺膺于周原、
功成而治定、禮樂斯存、復子而明辟、姬旦何言、

角調曲二首

止戈見于絕轡之野、稱伐聞于丹水之征、信義
俱存、乃先志食、五材並用、誰能去兵、雖聖人之
大寶曰位、實天地之大德曰生、涇渭同流、清濁
異能、琴瑟並御、雅鄭殊聲、擾擾烝人、聲教不一
茫茫禹跡、車軌未并、志在四海、而尚恭儉、心包
宇宙、而無驕盈、言而無文、行之不遠、義而無立
勤則無成、惻隱其心、訓以慈惠、流宥其過、哀矜
典刑、

匡贊之士、或從漁釣、雲雨之才、乍嘆幽谷、尋芳
者、追深徑之蘭、識韻者、探一作採窮山之竹、克明
其德、貢以三事、樹之風聲、言于九牧、協用五紀、
風若從事、農用八政、甘作其穀、殊風共軌、見之
周南、異畝同穎、聞之康叔、祁寒暑雨、是無胥怨、
天覆雲油、滋焉滲漉、幸無謝上古之淳人、庶可
以封之于比屋、

徵調曲六首

乾坤以含養覆載、日月以貞明照臨、達人以四

海爲務、明君以百姓爲心、水波瀾者源必遠、樹
扶疎者根必深、雲雨取施無不洽、廊廟求才多
所任、

淳風布政常無欲、至道防人能變俗、求仁義急
于水火、用禮讓多于菽粟、屈軼無佞人可指、獬
豸無繁刑可觸、王道蕩蕩用無爲、天下四人誰
不足、

聖人千年始一生、黃河千年始一清、攝提以之
而從紀、玉燭于是而文明、東南可以補地闕、西

北可以正天傾、浮龜則東海可厲、運鍾則南山
可平、衆仙就朝于瑤水、羣帝受享于明庭、懷和
則黻任並奉、功烈則鐘鼎俱銘、

三光以記物呈形、四時以裁成正位、雷風大山
岳之響、寒暑通陰陽之氣、武功則六合攸同、文
教則二儀經緯、有道則咸浴其德、好生則各繁
其類、白日經天中則移、明月橫漢滿而虧、能虧
能缺、旣無爲、雖盈雖滿則不危、開信義以爲苑
囿、立道德以爲城池、周監二代所損益、郁郁乎

文其可知、庖犧之親臨佃漁、神農之躬秉耕稼、
湯則救旱而憂勤、禹則正冠而無暇、草上之風
無不偃、君子之耻知可化、將欲比德于三皇、未
始追踪于五霸、

纖纖不絕林、薄成涓涓不止、江河生事之毫髮
無謂輕、慮遠防微乃不傾、雲官乃垂拱、大君鳳
應唯欽明、元首類上帝而禋六宗、望山川而朝
羣后、地鏡則山澤俱開、河圖則魚龍合貢、我之
天網莫不該、閭闔九關、天門開、卿相則風雲玄

咸匡贊則星辰下來，旣興周室之三聖，乃舉唐
朝之八才，莘臣參謀于左相，天老教政于中台，
其宜作則于明哲，故無崇信于姦回。

正陽和氣萬類繁，君王道合天地尊，黎人耕植
于義圃，君子翱翔于禮園，落其實者思其樹，飲
其流者懷其源，咎繇爲謀不仁遠，士會爲政羣
盜奔，克寬則昆蟲內向，彰信則殊俗宅心，渭橋
有月支抱馬，上苑有烏孫學琴，赤玉則南海輸
寶，白環則西山獻琛，無勞鑿空于大夏，不待蹶

角于蹕林、

羽調曲五首

樹君所以牧人、立法所以靜亂、首惡旣其南巢、
元兇于是北竄、居休氣而四塞、在光華而兩旦、
是以雨施作解、是以風行唯渙、周之文武、洪基、
光宅、天下文思、千載克聖、咸熙七百、在我應期、
實昊天有成命、惟四方其訓之、

運乎後親之俗、時亂先疎之雄、踰桂林而驅象、
濟弱水而承鴻、旣浮于呂之氣、還吹八律之風、

錢則都內貫朽，倉則常平粟紅。火中乃寒，乃暑。
年和一風一雨，聽鐘磬念封疆。聞笙竽思蓄聚，
瑤琨篠簜旣從，恠石鉛松卽序。長樂善馬成廐，
水衡黃金爲府。

百川乃宗巨海，衆星是仰北辰。九州攸同禹跡，
四海合德堯臣。朝陽栖于鳴鳳，靈時牧于般麟。
雲玉葉而五色，月金波而兩輪。涼風迎時北狩，
小暑戒節南巡。山無藏于紫玉地，不愛于黃銀。
雖南征而北怨，實西略而東賓。旣永清于四海，

終有慶于一人、

定律零陵玉管、調鐘始平銅尺、龍門之下孤桐、
泗水之濱鳴石、河靈于是讓珪、山精所以奉璧、
滌九川而賦稅、乘三危而納錫、北里之禾六穗、
江淮之茅三脊、可以玉檢封禪、可以金繩探策、
終永保于鴻名、足揚光于載籍、

太上之有立德、其次之謂立言、樹善滋于務本、
除惡窮于塞源、冲深其智則厚、昭明其道乃尊、
仁義之財不匱、忠信之禮無繁、動天無有不屈、

唯時無幽不徹，作德心逸日休，作僞心勞日拙。自非剛克掩義，無所離于勦絕。

對酒歌

以下五言
英華作范雲非
文苑

春水望桃花，春洲藉芳杜。琴從一作隨綠珠借，酒就文君取。牽馬向渭橋，日曝一作落山頭脯。山簡接羅倒，王戎如意舞。箏鳴金谷園，笛韻平陽塢。人生一百年，歡笑惟三五。何處覓錢刀，求爲洛陽賈。

昭君辭應詔

歛眉光祿塞。還望夫人城。片片紅顏落。雙雙淚
眼生。冰河牽馬渡。雪路抱鞍行。胡風入骨冷。夜
月照心明。方調琴上曲。變入一作胡笳聲。

王昭君

拭啼辭戚里。回顧望昭陽。鏡失菱花影。釵除却
月梁。圍腰無一尺。垂淚有千行。綠衫承馬汗。紅
袖拂秋霜。別曲真多恨。哀絃須更張。

出自薊北門行

薊門還北望。役役盡傷情。關山連漢月。隴水向

秦城笳寒蘆葉脆，弓凍絃絃鳴。梅林能止渴，複
姓可防兵。將軍朝挑戰，都護夜巡營。燕山猶有
石，須勒幾人名。

結客少年場行

結客少年場，春風滿路香。歌撩李都尉，果擲潘
河陽。隔花遙勸酒，就水更移牀。今年喜夫婿，新
拜羽林郎。定知劉碧玉，偷嫁汝南王。

道士步虛詞十首

渾成空教立，元始正圖開。赤玉靈文下，朱陵真

氣來中天九龍館，倒景八風臺。雲度絃歌響，星移宮殿迴。青衣上少室，童子向蓬萊。逍遙聞四會，倏忽度三災。

無名萬物始，有道百靈初。寂絕乘丹氣，玄明上玉虛。三元隨建節，八景逐迴輿。赤鳳來銜璽，青鳥入獻書。壤機仍成機，枯魚還作魚。栖心浴日館，行樂止雲墟。

凝真天地表，絕想

一作相

寂寥前，有象猶虛豁。忘

形本自然，開經壬子世。值道甲申年，迴雲隨舞

曲流水逐歌絃，石髓香如飯。芝房脆似蓮，停鸞
讌瑤水。歸路上鴻天。

道生乃太乙，守靜卽玄根。中和煉九氣，甲子謝
三元。居心受善水，教學重香園。鳬留報關吏，鶴
去畫城門。更以忻無迹，還來寄絕言。

洞靈尊上德，虞石會明真。要妙思玄牝，虛無養
谷神。丹邱乘翠鳳，玄圃御班麟。移梨付苑吏，種
杏乞山人。自此逢何世，從今復幾春。海無三尺
水，山成數寸塵。

東明九芝蓋、北燭五雲車、飄飄入倒景、出沒上
烟霞、春泉下玉雷、青鳥向金華、漢帝看桃核、齊
侯問棗花、上元應送酒、來向蔡經家、

石刻云應逐上元酒

同來訪
蔡家

歸心遊太極、迴向入無名、五香芬紫府、千燈照
赤城、鳳林採珠寶、龍山種玉榮、夏簧三舌響、

一作

夏笛三山

春鐘九乳鳴、絳河應遠別、黃鵠來相迎、

北闕臨玄水、南宮生絳雲、龍泥印玉策、大火煉
真文、上元風雨散、中天歌吹分、靈駕千尋上、空

香萬里聞

地境堦基遠，天窓影迹深。碧玉成雙樹，空青爲
一林。鵠巢堪煉石，蜂房得煮金。漢武多驕慢，淮
南不小心。蓬萊入海底，何處可追尋。

麟洲一海濶，玄圃半天高。浮邱迎子晉，若士避
盧敖。經餐林慮李，舊食綏山桃。成丹須竹節，刻
髓用蘆刀。無妨隱士去，卽是賢人迹。

烏夜啼

桂樹懸知遠，風竽詎肯低。獨憐明月夜，孤飛猶

未栖虎賁誰見惜，御史詎相攜。誰言入絃管，終是曲中啼。

怨歌行

以下
六言

家住金陵縣前，嫁得長安少年。回頭望鄉淚落，不知何處天邊。胡塵幾日應盡，漢月何時更圓。爲君能歌此曲，不覺心隨斷絃。

舞媚娘

朝來戸前照鏡，含笑盈盈自看。眉心濃黛直點，額角輕黃細安。祇疑落花漫去，復道春風不還。

少年唯有歡樂，飲酒那得留殘。

烏夜啼

以下
七言

促柱繁絃非子夜，歌聲舞態異前溪。
御史府中何處宿，洛陽城頭那得棲。
彈琴蜀郡卓家女，織錦秦川竇氏妻。
詎不自驚長淚落，到頭啼烏恒夜啼。

燕歌行

代北雲氣晝昏昏，千里飛蓬無復根。
寒鴈嚙啞渡遼水，桑葉紛紛落薊門。
晉陽山頭無箭竹，疎

勒城中乏水源。屬國征戍久離居。陽關音信絕

能疎。願得魯連飛一箭。持寄思歸燕。將書渡遼

本自有將軍。寒風蕭蕭生水紋。妾驚甘泉足烽

火。君訝漁陽少

一作多

陣雲。自從將軍出細柳。蕩

子空牀難獨守。盤龍明鏡餉秦嘉。辟惡生香寄

韓壽。春分燕來能幾日。二月蠶眠不復久。

玉臺作不

能食

洛陽遊絲百丈連。黃河春冰千片穿。桃花顏

色好如馬榆筴。新開巧似錢。蒲桃一杯千日醉

無事九轉學神仙。定取金丹作幾服。能令華表

得千年

楊柳歌

河邊楊柳百丈枝，別有長條踈地垂。河水衝激
根株危，倏忽河中風浪吹。可憐巢裡鳳凰兒，無
故當年生別離。流槎一去上天池，織女支機當
將一作見隨。誰言從來廕數國，直用東南一小枝。

昔日公子出南皮，何處相尋玄武陂。駿馬翩翩
西北馳，左右彎弧仰月支。連錢障泥渡水騎，白
玉手板落盤螭。君言丈夫無意氣，試問燕山那

得碑、鳳凰新管簫史吹、朱鳥春窓玉女窺、銜雲
酒盃赤瑪瑙、照日食螺紫琉璃、百年霜露奄離
披、一旦功名不可爲、定是懷王作計誤、無事翻
覆用張儀、不如飲酒高陽池、日暮歸時倒接羅
武昌城下誰見移、官渡營前那可一作得知、獨憶
飛絮鵝毛下、非復青絲馬尾垂、欲與梅花留一
曲、共將長笛管中吹、

詩

奉和泛江

藝文作王臺卿
非以下五言

春江下白帝。畫舸向黃牛。錦纜回沙磧。蘭橈避荻洲。
濕花隨水泛。空巢逐樹流。建平船楫下。荆門戰艦浮。
岸社多喬木。一作羣樹山城足迴樓。日落江風靜。龍吟迴上游。

奉和山池

樂宮多暇豫。望苑暫迴輿。鳴笳陵絕浪。飛蓋歷通渠。
桂亭花未落。桐門葉半疎。荷風驚浴鳥。橋

影○聚○行○魚○日○落○含○山○氣○雲○歸○帶○雨○餘○

陪駕幸終南山和宇文內史

玉○山○乘○四○載○瑤○池○宴○八○龍○龜○橋○浮○少○海○鵲○蓋○上○
中○峯○飛○狐○橫○塞○路○白○馬○當○河○衝○水○奠○三○川○石○山○
封○五○樹○松○長○虹○雙○瀑○布○圓○闕○兩○芙○蓉○戍○樓○鳴○夕○
鼓○山○寺○響○晨○鐘○新○蒲○節○轉○促○短○筍○籜○猶○重○樹○宿○
含○櫻○鳥○花○留○釀○蜜○蜂○迎○風○下○列○缺○灑○酒○召○昌○容○
且○欣○陪○北○上○方○欲○待○東○封○

和宇文內史春日遊山

遊客值春輝。金鞍上翠微。風逆花迎面。山深雲
濕衣。鴈持一足倚猿將。兩臂飛戍樓。侵嶺路。山
村落獵圍。道士封君達。仙人丁令威。煮丹於此
地。居然未肯歸。

遊山

一作
遊仙

聊登玄圃殿。更上增城山。不知高幾里。低頭看
世間。唱歌雲欲聚。彈琴鶴欲舞。澗底百重花。山
根一片雨。婉婉藤倒垂。亭亭松直豎。

和宇文京兆遊田

小苑禁門開長楊獵客來懸知畫眉罷走馬向
章臺澗寒泉反縮山晴雲倒回熊饑自舐掌鴈
驚獨銜枚美酒餘杭醉一作芙蓉卽奉杯

奉報寄洛州

舟師會孟津甲子陣東隣雷輶驚戰鼓劒室動
金神幕府風雲氣軍門關塞人長旂析鳥羽合
甲抱犀麟星芒一丈燄月暈七重輪黎陽水稍
深官渡柳應春無庸奉天睠驅傳牧南秦繁詞
勞簡牘雜俗獎風塵上洛逢都尉商山見逸民

留滯終南下，唯當一史臣。

奉報窮秋寄隱士

詩彙作王褒詩非

王倪逢嚙缺，桀溺偶長沮。藜牀負日臥，麥隴帶
經鋤。自然曲木几，無名科斗書。聚花聊飼鶴，穿
池試養魚。小村治澁路，低田補壞渠。秋水牽沙
落，寒藤抱樹疎。空枉平原騎，來過仲蔚廬。

上益州上柱國趙王二首

銅梁影棠樹，石鏡寫褰帷。兩江如漬錦，雙峯似
畫眉。穿荷低晚蓋，衰柳掛殘絲。風流盛儒雅，泉

湧富文詞無因同子淑暫得侍臨淄

寂寞歲陰窮蒼茫雲貌同鶴毛飄亂雪車轂轉
飛蓬鴈歸知向暖鳥巢解背風寒沙兩岸白獵
火一山紅願想懸鶉弊昔嗟陋巷空

謹贈司寇淮南公

危邦久亂德天策始乘機九河聞誓衆千里見
連旂號亡垂棘返齊平寶鼎歸久弊風塵俗殊
勞關塞衣絆驥還千里垂鵬更九飛猶憐馬齒
進應念節旄稀迴軒入故里園柳始依依舊竹

侵行徑。新桐益幾圍。寒谷梨應重。秋林栗更肥。
美酒還參聖。雕文本入微。促歌迎趙瑟。遊絃召
楚妃。小人司刺舉。明敎一作時實濫吹。南部治都
尉。軍謀假建威。商山隱士石。一作宅丹水鳳凰磯。
野亭長被馬。山城早掩扉。傳呼擁絳節。交戟映
彤闥。遂令忘楚操。何但食周薇。三十六水變。四
十九條非。丹竈風烟歇。年齡蒲柳衰。同僚敢不
盡。疇日懼難追。

正旦上司憲府

詰旦啓門闌，繁辭湧筆端。蒼鷹下獄吏，獬豸飾
刑官司朝。引玉節盟載，捧珠盤窮紀。星移次歸
餘律未殫，雪高三尺厚。水深一丈寒，短筍猶埋
竹。香心未起欄，孟門久失路。扶搖忽上搏，栖鳥
還得府。棄馬復歸欄，榮華名義重。虛薄報恩難，
枚乘還起疾。貢禹遂彈冠，方垂蓮葉劒。未用竹
根丹，一知懸象法。誰思垂釣竿。

任洛州酬薛文學見贈別

子居河之曲，英彥本迎蹤。鹽形或變虎，鼎氣乍

成龍若人承載德。宮牆定數重。五衢開辯路。四
照起文鋒。曰余濫推轂。民願始天從。上洛分都
尉。弘農開附庸。羊腸連九阪。熊耳對雙峯。白石
仙人芋。青林隱士松。北梁送孫楚。西堤別葛龔。
故人倘書札。黎陽土足封。

將命至鄴

大國脩聘禮。親隣自此敦。張旌事原隰。負宸報
成言。西過犯霜露。北指度輶轅。交歡值公子。展
禮覲王孫。何以譽嘉樹。徒欣賦采繁。四牢盈折

廌三獻滿壘樽人臣無境外何由欣此言風俗
既殊阻山河不復論無因旅南館空欲祭西門
眷然惟此別夙期幸共存

將命至鄴酬祖正員

我皇臨九有聲教洎無隄興文盛禮樂偃武息
氓黎承乏驅騏驥旌旗事琬珪古碑文字盡荒
城年代逃被隴文瓜熟交塍香穗低投瓊實有
慰報李更無蹊

入彭城館

裏君前建國項氏昔稜威鷗飛傷楚戰雞鳴悲

漢園年

一作世

代殊氓俗風雲更盛衰水流浮磬

動山喧雙翟飛夏餘花欲盡秋近鷺將稀槐庭
垂綠穗蓮浦落紅衣徒知日云暮不見舞雩歸

同州還

赤岸繞新村青城臨綺門范睢新入相穰侯始
出蕃上林催獵響河橋爭渡喧窟雉飛橫澗藏
狐入斷原將軍高宴晚來過青竹園

從駕觀講武

校戰出長楊，兵欄入鬪塲。置陣橫雲起，開營鴈
翼張。門嫌磁石礙，馬畏鐵菱傷。龍淵觸牛斗，繁
弱駭天狼。落星奔驥驟，浮雲上驪驄。急風吹戰
鼓，高塵擁貝裝。駭猿時落木，驚鴻屢斷行。樹寒
條更直，山枯菊轉芳。豹略推全勝，龍圖揖所長。
小臣欣寓目，還知奉會昌。

奉報趙王出師在道賜詩

上將出東平，先定下江兵。彎

一作弧

弓伏石動，振

鼓沸沙鳴。橫海將軍號，長風駿馬名。雨歇殘虹

斷雲歸一鴈。征暗巖朝石。濕空山夜火。明低橋
澗底渡。狹路花中行。錦車同建節。魚軒異泊營。
軍中女子氣。塞外夫人城。小人乖攝養。岐路阻
逢迎。幾月芝田熟。何年金竈成。衰笳關塞曲。嘶
馬別離聲。王子身爲寶。深思不倚衡。

和趙王送峽中軍

樓船聊習戰。白羽試撝軍。山城對却月。岸陣抵
平雲。赤虵懸弩影。流星抱劒文。胡笳遙驚夜。塞
馬暗嘶羣。客行明月峽。猿聲不可聞。

奉和趙王途中五韻

藝文云王褒作舊集載此疑誤收也

飄飄映車幕，出沒望連旗。
度雲還翊陣，迴風卽送師。
峽路沙如月，山峯石似眉。
村桃拂紅粉，岸柳被青絲。
錦城遙可望，迴鞍念此時。

侍從徐國公殿下軍行

八風占陣氣，六甲侯兵韜。
置府仍開幕，麾軍卽秉旄。
長旗臨廣武，烽火對成臯。
巡寒重挾纊，酌水勝單醪。
陣後雲逾直，兵深星轉高。
電燄驅龍馬，山精鏤寶刀。
塞迥翻榆葉，關寒落鴈毛。
旣得

從神武何須念久勞

同盧記室從軍

樂府作
從軍行

河圖論陣氣、金匱辨星文、地中鳴鼓角、天上下
將軍、函、犀、恒、七、屬、絡、鐵、本、千、羣、飛、梯、聊、度、絳、合
弩、暫、凌、汾、寇、陣、先、中、斷、妖、營、卽、兩、分、連、烽、對、嶺
度、嘶、馬、隔、河、聞、箭、飛、如、疾、雨、城、崩、似、壞、雲、英、王
於此戰何用武安君

伏聞遊獵

虞旗喜旦晴、獵馬向山橫、石關魚貫上、山梁鴈

翅行雪平尋兔跡、林藁聽雉聲、馬嘶山谷響、弓
寒桑柘鳴、聞弦鳥自落、望火獸空驚、無風樹卽
正、不凍水還平、誰知茂陵下、願入睢陽城、

見征客始還遇獵

貳師新受詔、長平正凱歸、猶言乘戰馬、未得解
戎衣、上林遇逐獵、宜春暫合圍、漢帝熊猶憤、秦
王雉更飛、故人迎借問、念舊始依依、河邊一片
石、不復肯支機、

奉和闡弘二教應詔

五明教已設，三元法復開。魚山將鶴嶺，清梵雨
邊來。香烟聚爲塔，花雨積成臺。空心論佛性，貞
氣辨仙才。露盤高掌滴，風鳥平翅迴。無勞問一作
詩待詔，自識昆明灰。

至老子廟應詔

虛無推馭辨，寥廓本乘蜺。三門臨苦縣，九井對
靈谿。盛丹須竹節，量藥用刀圭。石似臨邛芋，芝
如封禪泥。氄毛新鵠小，盤根古樹低。野戍孤烟
起，春山百鳥啼。路有三千別，途經七聖迷。唯一作

行當別關吏，直向流沙西。

奉和趙王遊仙

藏山還採藥，有道得從師。京兆陳安世，成都李
意期。玉京傳相鶴，太乙授飛龜。白石香薪芋，青
泥美熟芝。山精逢照鏡，樵客值圍棋。石紋如碎
錦，藤苗似亂絲。蓬萊在何處，漢后欲遙祠。

奉和同泰寺浮圖

和梁簡文帝

岩岩凌太清，照殿比東京。長影臨雙闕，高層出
九城。栱積行雲礙，幡搖度鳥驚。鳳飛如始泊，蓮

合似初生輪重對月滿鐸韻擬鸞聲畫水流全
住圖雲色半輕。一作行露晚盤猶滴珠朝火更明
雖連博望苑還接銀沙城天香下桂殿仙梵入
伊笙庶聞八解樂方遣六塵情

奉和法筵應詔

五城隣北極百雉壯西昆鉤陳橫複道閭闔拓
靈軒千柱蓮花塔由旬紫紺園佛影胡人記經
文漢語翻星窺朱鳥牖雲宿鳳凰門新禽解雜
囀春柳臥生根早雷驚蟄戶流雪長河源建始

移交讓。微音種合昏風飛扇天辯。泉湧屬絲言。
羈臣從散木無以預中天。闕二字遙可望終類仰
鵠弦。

和從駕登雲居寺塔

一作和趙王
遊雲居寺

重巒千仞塔危磴九層臺石關恒逆上山梁乍
斗迴堦下雲峯出窓前風洞開隔嶺鐘聲度中
天梵響來平昔欣侍從於此蹔徘徊

和何儀同講竟述懷

無名卽講道有動定論機安經讓禮席正業理

儒衣似得遊焉趣，能同捨講歸石渠。人少歇華陰，市暫稀秋雲。低晚氣，短景側餘輝。螢排亂草出，鴈捨斷蘆飛。別有平陵逕，蕭條客鬢衰。饑噪空倉雀，寒驚嬾婦機。實欣懷謏問，逢君理八微。
謏音小

奉和趙王隱士

洛陽徵五隱，東都別二賢。雲氣浮函谷，星光集潁川。霸陵採樵路，一作徑成都賣卜錢。鹿裘披稍裂，藜牀坐欲穿。阮籍唯長嘯，嵇康訝一絃。澗險

無平石山深足細泉短松猶百尺少鶴已千年
野鳥繁絃囀山花焰火然洞風吹戶裏石乳滴
窓前雖無亭長識終見野人傳

擬詠懷二十七首

步兵未飲酒中散未彈琴索索無真氣昏昏有
俗心涸鮒常思水驚飛一作羽每失林風雲能變

色松竹且悲吟由來不得意何必往長岑

赭衣居傅巖垂綸在渭川乘舟能上月飛憶欲
捫天誰知志不就空有直如弦洛陽蘇季子連

衡遂不連，旣無六國印。翻思二頃田，

俎豆非所習。帷幄復無謀，不言班定遠。應爲萬里侯，燕客思遼水。秦人望隴頭，倡家遭強聘。質子值仍留，自憐才智盡。空傷年鬢秋，

楚材稱晉用，秦臣卽趙冠。離宮延子產，羈旅接陳完。寓衛非所寓，安齊獨未安。雪泣悲去魯，悽然憶相韓。唯彼窮途慟，知余行路難，

惟忠且惟孝，爲子復爲臣。一朝人事盡，身名不足親。吳起嘗辭魏，韓非遂入秦。壯情已消歇，雄

圖不復申、移住華陰下、終爲關外人、

疇昔國士遇、生平知己恩、直言珠可吐、甯知炭

可

一作欲

吞、一顧重尺璧、千金輕一言、悲傷劉孺

子、悽愴史皇孫、無因同武騎、歸守灞陵園、

榆關斷音信、漢使絕經過、胡笳落淚曲、羌笛斷

腸歌、纖腰減束素、別淚損橫波、恨心終不歇、紅

顏無復多、枯木期填海、青山望斷河、

白馬向清波、乘冰始渡河、置兵須近水、移營喜

竈多、長坂初垂翼、鴻溝遂倒戈、的盧於此去、虞

今奈若何空營衛青塚徒聽田橫歌

北臨立菟郡南戍朱鳶城共此無期別俱知萬里情昔嘗遊令尹今肯事客卿不特貧謝富安知死羨生懷秋獨悲此平生何謂平

悲歌度燕水弭節出陽關李陵從此去荆卿不復還故人形影滅音書兩俱絕遙看塞北雲懸想關一作天山雪遊子河梁上應將蘓武別

搖落秋爲氣淒涼多怨情啼枯湘水竹哭壞杞梁城天亡遭憤戰日蹙值愁兵直虹朝映壘長

星、夜、落、營、楚、歌、饒、恨、曲、南、風、多、死、聲、眼、前、一、杯、
酒、誰、論、身、後、名、

周、王、逢、鄭、忿、楚、后、值、秦、冤、梯、衝、已、鶴、列、冀、馬、忽、
雲、屯、武、安、檐、瓦、振、昆、陽、猛、獸、奔、流、星、夕、照、鏡、烽、
火、夜、燒、原、古、獄、饒、冤、氣、空、亭、多、枉、魂、天、道、或、可、
問、微、兮、不、忍、言、

橫、流、邁、屯、慙、上、塲、結、重、氛、哭、市、聞、妖、獸、頽、山、起、
恠、雲、綠、林、多、散、卒、清、波、有、敗、軍、智、士、今、安、用、忠、
臣、且、未、聞、惜、無、萬、金、產、東、求、滄、海、君、

吉士長爲吉，善人終日善。大道忽云垂，生民隨
事蹇。有情何可豁，忘懷固難遣。麟窮季氏豈，虎
振周王圜。平生幾種意，一旦衝風卷。

六國始咆哮，縱橫未定交。欲競連城玉，翻徵縮
酒茅。析骸猶換子，登爨已懸巢。壯冰初開地，育
風正折膠。輕雲飄馬足，明月動弓梢。楚師正圍
鞏，秦兵未下嶠。始知千載內，無復有申包。

橫石三五片，長松一兩株。對君俗人眼，真與理
當無。野老披荷葉，家童掃栗跗。竹林千戶封，甘

櫺、萬、頭、奴、君見愚公谷、真言此谷愚、

日、晚、荒、城、上、蒼、茫、餘、落、暉、都、護、樓、蘭、返、將、軍、疎、
勒、歸、馬、有、風、塵、氣、人、多、關、塞、衣、陣、雲、平、不、動、秋、
蓬、卷、欲、飛、聞、道、樓、船、戰、今、年、不、解、圍、

尋、思、萬、戶、侯、中、夜、忽、然、愁、琴、聲、遍、屋、裏、書、卷、滿、
牀、頭、雖、言、夢、蝴、蝶、定、自、非、莊、周、殘、月、如、初、月、新、
秋、似、舊、秋、露、泣、連、珠、下、營、飄、碎、火、流、樂、天、乃、知、
命、何、肯、能、不、憂、

憤、憤、天、公、曉、精、神、殊、乏、少、一、郡、催、曙、鷄、數、處、驚、

眠鳥其覺乃于于其憂惟悄悄張儀稱行薄管仲稱器小天下有情人居然性靈天

在死猶可忍爲辱豈不寬古人持此性遂有不能安其面雖可熱其心長自寒匣中取明鏡披圖自照看幸無侵餓理差有犯兵欄擁節時驅傳乘亭不據鞍代郡蓬初轉遼陽桑欲乾秋雲粉絮結白露水銀團一思探禹穴無用鑿臯蘭倏忽市朝變蒼茫人事非避讒應采葛忘情遂食薇懷愁正搖落中心愴有違獨憐生意盡空

驚槐樹衰

日色臨平樂、風光滿上蘭、南國美人去、東家棗
樹完、抱松傷別鶴、向鏡絕孤鸞、不言登隴首、唯
得望長安、

鬪麟能食日、戰水定驚龍、鼓鞀喧七萃、風塵亂
九重、鼎湖去無返、蒼梧悲不從、徒勞銅雀妓、遙
望西陵松、

無悶無不悶、有待何可待、昏昏如坐霧、漫漫疑
行海、千年水未清、一代人先改、昔日東陵侯、唯

有瓜園在

懷抱獨惛惛，平生何所論。由來千種意，併是桃花源。穀皮兩書帙，壺盧一酒樽。自知費天下，也復何足言。

蕭條亭障遠，淒慘風塵多。關門臨白狄，城影入黃河。秋風別蘇武，寒水送荆軻。誰言氣蓋世，晨起帳中歌。

被甲陽雲臺，重雲久未開。雞鳴楚地盡，鶴唳秦軍來。羅梁猶下碣，楊排久飛灰。出門車軸折，吾

王不復回

和張侍中述懷

陽窮乃悔吝，世季誠屯剝。奔河絕地維，折柱傾
天角。成羣海水飛，如雨天星落。負鍤遂移山，藏
舟終去壑。生民忽已魚，君子徒爲鶴。疇昔逢知
已，生平荷恩渥。故組竟無聞，程嬰空寂寞。永嘉
獨流寓，中原惟鼎鑊。道險卧輓轡，身危累素殼。
漂流從木梗，風巷隨秋籜。張翰不歸吳，陸機猶
在洛。漢陽錢遂盡，長安米空索。肯占季主龜，乍

販韓康藥。伏轅終入絆。垂翅猶離繳。徒懷琬琰
心。空守黃金諾。號鄒終無寄。齊秦竟何託。大夫
唯閔周君子。常思毫寂寥。共羈旅。蕭條同負郭。
農談止穀稼。野膳唯藜藿。操樂楚琴悲。一作忘
憂魯酒薄。渭濱觀坐釣。谷口看秋穫。唯有邱明
恥。無復榮期樂。夷則火星流。天根秋水涸。冬嚴
日不暖。歲晚風多朔。楊浮有恠雲。細凌聞災雹。
木皮三寸厚。涇泥五斗濁。雖忻曲轅樹。猶懼雕
陵鵲。生涯實有始。天道終虛橐。且悅善人交。無

疑朋友數。何時得雲雨。復見翔寥廓。

奉和示內人

然香鬱金屋。吹管鳳凰臺。春朝迎雨去。秋夜隔河來。聽歌雲卽斷。聞琴鶴倒回。春窓刻鳳下。寒壁畫花開。定取流霞氣。時添承露杯。

奉和趙王美人春日

直將劉碧玉。來過陰麗華。祇言滿屋裏。併作一園花。新藤亂上格。春水漫吹沙。步搖釵梁動。紅

輸被一作輸帳角斜。今年逐春處。先向石崇家。

奉和趙王春日

城傍金谷苑，園裏鳳凰池。細管調歌曲，長衫教
舞兒。向人長曼臉，由來薄面皮。梅花絕解作樹
葉，本能吹香烟。龍口出蓮子，帳心垂莫畏。無春
酒，須花但見隨。

夢入堂內

雕梁舊刻杏，香壁本泥椒。幔繩金麥穗，簾鈞銀
蒜條。畫眉千度拭，梳頭百遍撩。小衫裁褰臂，纏
絃招抱腰。日光釵釵動，窓影鏡花搖。歌曲風吹

韻笙簧火炙調，卽今須戲去。誰復待明朝。

和詠舞

洞房花燭明，燕餘雙舞輕。頓履隨疎節，低鬟逐上聲。步轉行初進，衫飄曲未成。鸞迴鏡欲滿，鶴顧市應傾。已曾天上學，詎是世中生。

夜聽搗衣

秋夜搗衣聲，飛度長門城。今夜長門月，應如晝日明。小鬟宜粟瑱，圓腰運織成。秋砧調急節，亂杵變新聲。石燥砧逾響，桐虛杵絕鳴。鳴石出華

陰虛桐採鳳林北堂細腰杵南市女郎砧擊節
無勞鼓調聲不用琴並結連枝縷雙穿長命針
倡樓驚別怨征客動愁心同心竹葉枕雙去雙
來滿裙裾不柰長衫袖偏宜短龍文鏤剪刀鳳
翼纏參管風流響和韻哀怨聲悽斷新聲繞夜
風嬌轉滿空中應聞長樂殿判徹昭陽宮花鬟
醉眼纈龍子細文紅濕摺通夕露吹衣一夜風
玉堦風轉急長城雪應闇新綬始欲縫細錦行
須纂聲煩廣陵散杵急漁陽搯新月動金波秋

雲泛濫過誰憐、征戍客、今夜在、交河、柳陽、

一作羽觴

離別賦、臨江愁思歌、復令悲此曲、紅顏餘幾多、

預麟趾殿校書和劉儀同

止戈興禮樂、修文盛典謨、壁開金石篆、河浮雲、
霧圖、芸香上、延閣碑、石向鴻都、誦書徵博士、明、
經拜大夫、壁池寒水落、學市舊槐疎、高譚變白、
馬、雄辯塞飛狐、月落將軍樹、風驚御史烏、子雲、
猶汗簡、溫舒正削蒲、連雲雖有閣、終欲想江湖、

和宇文內史入重陽閣

北原風雨散南宮。容衛疎。待詔還金馬。儒林歸
石渠。徒懸仁壽鏡。空聚茂陵書。竹淚垂秋筍。蓮
衣落夏故集作葉。顧成始移廟。陽陵正徙居。舊蘭
憔悴長。殘花爛熳舒。別有昭陽殿。長悲故一作班
婕妤。

忝在司水看治渭橋

大夫叅下位。司職渭之陽。富平移鐵鑠。一作桂甘
泉運石梁。跨虹連絕岸。浮龍續斷航。春洲鸚鵡
色。流水桃花香。星精逢漢帝。鈞叟直周王。平隄

石岸直高堰、柳陰長、羨言杜元凱、河橋獨舉觴。
北園新齋成、應趙王教。

虹粉跂鳥翼、山節拱蘭枝、畫梁雲氣繞、雕窓玉
女窺、月懸唯返照、蓮開長倒垂、盤根細壤石、行
雨暴澆池、長藤連格徙、高樹帶巢移、鳥聲唯雜
曲、花風直亂吹、白虎題書觀、玄熊帖射皮、文絃
八舞曲、月扇掩歌兒、玉節調笙管、金船代酒卮、
若論曹子建、天人本共知、

同會河陽公新造山池聊得寓目

橫階仍鑿澗對戶卽連峰暗石疑藏虎盤根似
臥龍沙洲聚亂荻洞口礙橫松引泉恒數派開
巖卽十重北閣聞吹管南鄰聽擊鐘菊寒花正
合杯香酒絕濃由來魏公子今日始相逢

登州中新閣

跨虛凌倒景連雲詎少陽璇極龍鱗上雕甍鵬
翅張千尋文杏照十里木蘭香開牕對高掌平
坐望河梁歌響聞長樂鐘聲徹建章賦用王延
壽書須韋仲將龍來隨畫壁鳳起逐吹簫石作

芙蓉影池如明鏡，光花梁反披葉。蓮井倒垂房，
徒然思鷺賀，無以預鷗翔。

歲晚出橫門

年華改歲陰，遊客喜登臨。據鞍垂玉帖，橫腰帶
錦心。冰弱浮橋沒，沙虛馬跡深。倚弓依石岸，回
牀向柳陰。智瓊來勸酒，文君過聽琴。明朝雲雨
散，何處更相尋。

北園射堂新成

軒臺聊可習，仙的不難登。轉箭初調筈，橫弓先

望、朔、驚、心、一、鴈、落、連、臂、兩、猿、騰、直、知、王、濟、巧、誰、
覺、魏、舒、能、空、心、不、死、樹、無、葉、未、枯、藤、擇、賢、方、至、
此、傳、卮、喜、得、朋、

園庭

杖、鄉、從、物、外、養、學、事、閑、郊、窮、愁、方、汗、簡、無、遇、始、
觀、爻、谷、寒、已、吹、律、簷、空、更、剪、茆、樵、隱、恒、同、路、人、
禽、或、對、巢、水、蒲、開、晚、結、風、竹、解、寒、苞、古、槐、時、變、
大、枯、楓、乍、落、膠、倒、屣、迎、懸、榻、停、琴、聽、解、嘲、香、螺、
酌、美、酒、枯、蚌、藉、蘭、穀、飛、魚、岢、觸、釣、翳、雉、屢、懸、庖、

但使相知厚，當能來結交。

歸田

務農勤九穀，歸來嘉一廛。
穿渠移水碓，燒棘起山田。
樹陰逢歇馬，魚潭見酒船。
苦李無人摘，秋瓜不直錢。
社雞新欲伏，原蠶始更眠。
今日張平子，翻爲人所憐。

寒園卽目

寒園星散居，搖落小村墟。
遊仙半壁畫，隱士一牀書。
子月泉心動，陽爻地氣舒。
雪花深數尺，冰

牀厚尺餘蒼鷹斜望雉白鷺下觀魚更想東都
外羣公別二疏

幽居值春

山人久陸沉、幽逕忽春臨、決渠移水碓、開園掃
竹林、欹橋久半斷、崩岸始邪侵、短歌吹細笛、低
聲泛古琴、錢刀不相及、耕種且須深、長門一紙
賦、何處覓黃金、

臥疾窮愁

危慮風霜積、窮愁歲月侵、留蛇常疾首、映弩屢

驚心稚川求藥錄君乎問卜林野老肯相訪山
僧或見尋有菊翻無酒無絃則有琴詎知長抱
膝獨爲梁父吟

山齋

寂寥尋靜室蒙密就山齋滴瀝泉澆路穹窿石
臥階淺槎全不動盤根唯半埋圓珠墜晚菊細
火落空槐直置風雲慘彌憐心事乖

望野

試策千金馬來登五丈原有城仍舊縣無樹卽

新材水向蘭池泊日斜細柳園涸渚通沙路寒
渠塞水門但得風雲賞何須人事論

蒙賜酒

金膏下帝臺玉厯在蓬萊仙人一遇飲分得兩
三杯忽聞桑葉落正值菊花開阮籍披衣進王
戎含笑來從今覓仙藥不假向瑤臺

奉報趙王惠酒

梁王修竹園冠蓋風塵喧行人忽枉道直進桃
花源稚子還羞出驚妻倒閉門始聞傳上命定

是賜中樽野鑪然樹葉山杯捧竹根風池還更
煖寒谷遂成暄未知稻梁鴈何時能報恩

有喜致醉

忽見庭生玉欣看蚌出珠蘭芬猶載寢蓬箭始
懸弧既喜枚都尉能歡陵大夫頻朝中散客連
日步兵厨襍曲隨琴用殘花聽酒須脆梨裁數
實甘查唯一株元然已復醉搖頭歌鳳雛

喜晴應詔

勅自疏韻

御辨誠膺錄維皇稱有建雷澤昔經漁負夏時

從販柏梁驂駟馬，高陵馳六傳。有序屬賓連，無私表平憲。河堤崩故柳，秋水高新堰。心齋愍昏墊，樂徹憐胥怨。禪河秉高論，法輪開勝辯。王城水鬪息，洛浦河圖獻。伏泉還習坎，歸風已回巽。桐枝長舊圍，蒲節抽新寸。山藪欣藏疾，幽棲得無悶。有慶兆民同，論年天子萬。

同顏大夫初晴

夕陽含水氣，反景照河隄。濕花飛未遠，陰雲歛向低。燕燥還爲石，龍殘更是泥。香泉酌冷澗，小

艇釣蓮溪，但使心齊物，何愁物不齊。

奉和趙王喜雨

玄霓臨日谷，封蟻對雲臺。投壺欲起電，倚柱稍
驚雷。白沙如濕粉，蓮花類洗杯。驚鳥灑翼度，濕
鴈斷行來。浮橋七星起，高堰六門開。猶言祀蜀
帝，卽似望荆臺。厥田終上上，原野自莓莓。

和李司錄喜雨

純陽實久亢，雲漢乃昭回。臨河沈璧玉，夾道畫
龍媒。離光初繞電，震氣始乘雷。海童遺碣石，神

女向陽臺雲逐魚鱗起渠從龍骨開崩沙雜水
去臥樹擁槎來嘉苗雙合穎熟稻再含胎屬此
欣膏露逢君摘挾才愧乏瓊將玖無酬美且俛
郊行值雪
風雲俱慘慘原野共茫茫雪花開六出水珠映
九光還如驅玉馬暫似獵銀獐陣雲全不動寒
山無物香薛君一狐白唐侯兩驕驕寒關日欲
暮披雪上河梁

奉和趙王西京路春旦

直城龍首抗，橫橋天漢分。風鳥疑近日，露掌定
高雲。新渠還入渭，舊鼎更開汾。漢獵熊攀檻，秦
田雉失羣。宜年動春律，御宿歛寒氛。弄玉迎簫
史，東方覓細君。楊柳成歌曲，蒲桃學繡文。鳥鳴
還獨解，花開先自薰。誰知灞陵下，猶有故將軍。

奉和夏日應令

朱簾捲麗日，翠幕蔽重陽。五月炎蒸氣，三時刻
漏長。麥隨風裏熟，梅逐雨中黃。開冰帶井水，和
粉雜生香。衫含蕉葉氣，扇動竹花涼。早菱生軟

角初蓮開細房。願陪仙鶴舉。洛浦聽笙黃。

和樂儀同苦熱

火井沉熒散。炎洲高燄通。鞭石未成雨。鳴鳶不起風。思爲鸞翼扇。願借明光宮。臨淄迎子禮。中散就安豐。美酒含蘭氣。甘瓜開蜜筒。寂寥人事屏。還得隱墻東。

和裴儀同秋日

蕭條依白社。寂寞似東臯。學異南宮敬。貧同北郭騷。蒙吏觀秋水。萊妻紡落毛。旅人嗟歲暮。田

家厭作勞，霜天林木燥。秋氣風雲高，栖遑終不定。方欲涕沾袍，

詠園花

暫往春園傍，聊過看果行。枝繁類金谷，花雜映河陽。自紅無假染，真白不須粧。燕送歸菱井，蜂銜上蜜房。非是金鑪氣，何關柏殿香。裛衣偏定好，應持奉魏王。

西門豹廟

君子爲利博，達人樹德深。蘋藻由斯薦，樵蘇幸

未侵恭聞正臣

一作直

祀良識佩韋心容範雖年

代微猷若可尋菊花隨酒馥槐影向窓臨鶴飛
疑逐舞魚驚似聽琴淅流鳴磴石銅雀影秋林

和王少保遙傷周處士

冥漠爾遊岱悽涼余向秦雖言異生死同是不
歸人昔余仕冠蓋值子避風塵望氣求真隱伺
關待逸民忽聞泉石友芝桂不防身悵然張仲
蔚悲哉鄭子真三山猶有鶴五柳更應春遂令
從渭水投弔往江濱

傷王司徒褒

昔聞王子晉，經舉逐神仙。謂言君積善，還得嗣
前賢。四海皆流寓，非爲獨播遷。豈意中台坼，君
當風燭前。自君鍾鼎族，江東集作南三百年。寶刀
仍世載，瑠戈本舊傳。緣紱紆槐綬，黃金飾侍蟬。

地建忠臣國，家開孝子泉。自能枯木潤，足得流
水圓。以君承祖武，諸侯無間然。青衿已對日，童
子卽論天。頰陰珠玉麗，河陽脂粉妍。名高六國
共，價重十城連。辯足觀秋水，文堪題馬鞭。迴轡

抱書字別鶴繞琴絃擁旄裁甸服垂帷非被邊
靜亭空繫馬閑烽直起烟不廢披書案無妨坐
釣船茂陵忽多病淮陽實未痊侍醫逾默默神
理遂綿綿永別張平子長埋王仲宣柏谷移松
樹陽陵買墓田陝路秋風起寒堂已颯焉邱楊
一搖落山火卽時然昔爲人所美今爲人所憐
世途旦復旦人情立又立故人傷此別留恨滿
秦川定名於此定全德以斯全唯有山陽笛悽
余思舊篇

仰和何僕射還宅懷故

紫閣旦朝罷，中臺夕奏稀。無復千金笑，徒勞五日歸。
步簷朝未掃，蘭房晝掩扉。苔生理曲處，網積迴文機。
故瑟餘絃斷，歌梁秋鴈飛。朝雲雖可望，夜帳定難依。
願憑甘露入，方假慧燈輝。甯知洛城晚，還淚獨沾衣。

送吳法師薨

龍泉今日掩石洞，卽時封玉匣。摧談柄，懸河落辯鋒。
香鑪猶是栢，麈尾更成松。郭門未十里，山

迴已數重尚聞香閣梵猶聽竹林鐘送客風塵
擁寒郊霜露濃性靈如不滅神理定何從

和人日晚景宴昆明池

春餘一作春餘足光景趙李舊經過上林柳腰細新
豐酒徑多小船行釣鯉新盤待摘荷蘭臯徒稅
駕何處有凌波

對宴齊使

歸軒下賓館送蓋出河堤酒正離杯促歌工別
曲悽林寒木皮厚沙迴鴈飛低故人倘相訪知

余已執珪

聘齊秋晚館中飲酒

欣茲河朔飲、對此洛陽才、殘秋欲屏扇、餘菊尚
浮盃、漳流鳴二水、日色下三臺、無因侍清夜、同
此月徘徊、

奉和濬池初成清晨臨泛

千金高堰合、百頃浚源開、翻逢積翠

一作草

浪更

識、昆明灰猿嘯、風還急、雞鳴潮卽來、豈看青雀

舫、遙逐桂舟

一作洲迴

和吳法師遊昆明池二首

遊客重相懽，連鑣出上蘭。
值泉傾蓋飲，逢花駐馬看。
平湖泛玉舳，高堰歇金鞍。
半道聞荷氣，中流覺水寒。

秋光麗晚天，鷁舸泛中川。
密菱障浴鳥，高荷沒釣船。
碎珠縈斷菊，殘綵繞折蓮。
落花催斗酒，栖鳥送一絃。

見遊春人

長安有狹斜，金穴盛豪華。
連盃勸上馬，亂菓擲

行車深紅蓮子艷細錦鳳凰花那能學喫酒無
處似樂巴

別周尚書弘正

一作別周處士弘正

扶風石橋北函谷故關前此中一分手相逢知
幾年黃鵠一反顧徘徊應愴然自知悲不已徒
勞減瑟絃

別張洗馬樞

別席慘無言離悲兩相顧君登蘇武橋我見楊
朱路關山負雪行河水乘冰渡願子著朱鸞知

余在立菴

別庾七入蜀

峻嶺拂陽鳥，長城連蜀都。
石銘懸劒壁，沙洲聚陣圖。
山長半股斷，樹老半心枯。
由來兄弟別，共念一荊株。

將命使北始度瓜步江

校尉始辭國，樓船欲渡河。
輶軒臨磧岸，旌節映江沱。
觀濤想帷蓋，爭長憶干戈。
雖同燕市泣，猶聽趙津歌。

反命河朔始入武州

輕車初逐李，定遠未隨班。
受詔祈連返，申威疎勒還。
飛蓬損腰帶，秋鬢落容顏。
寄言舊相識，知余生入關。

冬狩行四韻連句應詔

三川羽檄馳，六郡良家選。
觀兵細柳城，校獵長楊苑。
驚雉逐鷹飛，騰猿看箭轉。
鳴笳河曲還，猶憶南皮返。

和王內史從駕狩

冬狩出離宮，還過獵武功。澗橫偏礙馬，山虛絕
響弓。更羸承落鴈，韓盧鬪蟄熊。猶開三面網，誰
肯一山重。

八道士館

金華開八景，玉洞上三危。雲袍白鶴度，風管鳳
凰吹。野衣縫蕙葉，山巾簪去聲筍皮。何必淮南館，
淹留攀桂枝。

奉和永豐殿下言志十首

立德齊今古，資仁一毀譽。無機抱甕汲，有道帶

經鋤處下唯名惠，能言本姓遽未論。驚寵辱安知係慘舒。

王子從邊服，臨邛惜第如。星橋擁冠蓋，錦水照簪裾。論文報潘岳，詠史答應璩。帳幕參三顧，風流盛七輿。

茫茫實宇宙，與善定馮虛。大夫傷魯道，君子念殷墟。程卿既開國，安平遂徙居。詎能從小隱，終然遊太初。

直城風日美，平陵雲霧除。來往金張館，絃歌許

史間鳳臺迎弄玉，河陽送婕妤。五馬遙相問，雙童來夾車。

託情忻六學，遊目愛三餘。覆局能懸記，看碑解暗疏。詎嘗遊魏冉，那時說范睢。池水朝含墨，流螢夜聚書。

興雲榆莢晚，燒薤杏花初。滌池侵黍稷，谷水播菑畬。六月蟬鳴稻，千金龍骨渠。含風搖古度，防

露動林於。古度，樹名，見吳都賦。林於，竹名。越女試鋤竹也，見竹譜。又日上密防露下

疎來風

自憐循短綆，方欲問長沮。茂陵體猶瘠，淮陽疾未祛。翻疑承毒水，忽似遇昌菹。漢陽嗟欲盡，咎繇懼忽諸。

弱齡參顧問，疇昔濫吹噓。綠槐垂學市，長楊映直盧。連盟翻滅鄭，仁義反亡徐。還思建鄴水，終憶武昌魚。崩堤壓故柳，衰社臥寒樗。野鶴能自獵，江鷗解獨漁。漢陰逢荷篠，緇林見杖屨。阮籍長思酒，嵇

康懶著書。

披林求木實、拂雪就園蔬、濁醪非鶴髓、蘭肴異
蟹蛆、一作胥野情風月曠、山心人事疏、徒知守瓦
甕、空欲報璠璵、

率爾成詠

昔日謝安石、求爲淮海人、彷彿新亭岸、猶言洛
水濱、南冠今別楚、荆玉遂遊秦、倘使如楊僕、甯
爲關外人、

慨然成詠

新春光景麗、遊子離別情、交讓未全死、梧桐唯

半生值熱花無氣逢風水不平寶雞雖有祀何
肯能更鳴

奉和賜曹美人

月光如粉白秋露似珠圓絡緯無機織流螢帶
火寒何年迎美玉今朝得夢蘭訝許能含笑芙
蓉宜熟看

和趙王看伎

綠珠歌扇薄飛燕舞衫長琴曲隨流水簫聲逐

鳳凰細縷纏鐘格圓花釘鼓牀

一作膺風蟬髮
亂映日鳳釵光

懸知曲不誤，無事畏

顧一作

周郎

奉答賜酒

仙童下赤城，仙酒餉王平。
野人相就飲，山鳥一羣驚。
細雪翻沙下，寒風戰鼓鳴。
此時逢一醉，應枯反更榮。

奉答賜酒鵝

雲光偏亂眼，風聲特噤心。
冷猿披雪嘯，寒魚抱凍沉。
今朝一壺酒，寔是勝千金。
負恩無以謝，惟知就竹林。

正旦蒙趙王賚酒

正旦辟惡酒。新年長命杯。柏葉隨銘至。椒花逐
頌來。流星向椀落。浮蟻對春開。成都已救火。蜀
使何時迴。

衛王贈桑落酒奉答

愁人坐狹邪。喜得送流霞。跂窓催酒熟。盃待
菊花霜。風亂飄葉。寒水細澄沙。高陽今日晚。應
有接籬斜。

就蒲州使君乞酒

蕭瑟風聲慘，蒼茫雪貌愁。鳥寒栖不定，池凝聚未流。
蒲城桑葉落，灞岸菊花秋。願持河朔飲，分勸東陵侯。

蒲州刺史中山公許乞酒一車未送

細柳望蒲臺，長河始一迴。秋桑幾過落，春蟻未曾開。
瑩角非難馭，搥輪稍可催。只言千日飲，舊逐中山來。

答王司空餉酒

今日小園中，桃花數樹紅。開君一壺酒，細酌對

春風未能扶畢卓，猶足舞王戎。仙人一捧露，判
不及盃中。

舟中望月

舟子夜離家，開舫望月華。山明疑有雪，岸白不
關沙。天漢看珠蚌，星橋似桂花。灰飛重暈闕，莫
落獨輪斜。

望月

夜光流未曙，金波影尚賒。照人非七子，含風異
九華。冀新半壁上，桂滿獨輪斜。乘舟聊可望，無

假逐仙

靈一作槎

對雨

繁雲猶暗嶺，積雨未開庭。
階含侵角路，鑊滿溜疏萍。
濕楊生細樵，爛草變初螢。
徒勞看蟻封，無事祀靈星。

喜晴

比日思光景，今朝喜暫逢。
雨住便生熱，雲晴卽作峯。
水白澄還淺，花紅燥更濃。
已歡無石燕，彌欲棄泥龍。

詠春近餘雪應詔

送寒開小苑，迎春人上林。
綵條變柳色，香氣動蘭心。
待花將對酒，留雪擬彈琴。
陪遊愧並作，空見奉恩深。

奉和初秋

落星初伏火，秋霜正動鐘。
北閣連橫漢，南宮應鑿龍。
祥鸞棲竹實，靈蔡上芙蓉。
自有南風曲，還來吹九重。

晚秋

淒清臨晚景，疎索望寒階。
濕庭凝墜露，搏風卷落槐。
日氣斜還冷，雲峯晚更霾。
可憐數行鴈，點點遠空排。

和穎川公秋夜

初學作上官儀非

沈寥空色遠，葉黃淒序變。
洞浦落遵鴻，長飈送巢燕。
千秋流夕景，百籟含宵嘒。
峻雉聆金柝，曾臺切銀箭。

詠畫屏風詩二十五首

俠客重連鑣，金鞍被桂條。
細塵鄣路起，驚花亂

眼飄酒醺人半醉，汗濕馬全驕。
歸鞍畏日晚，爭路上河橋。

浮橋翠蓋擁，平旦雍門開。
石崇迎客至，山濤載妓來。
水紋恒獨轉，風花直亂迴。
誰能惜紅袖，甯

一作迎用捧金杯。

停車小苑外，下渚長橋前。
澁菱迎擁楫，平荷直蓋船。
殘絲繞折藕，芰葉映低蓮。
遙望芙蓉影，只言水底然。

昨夜鳥聲春，驚鳴動四隣。
今朝梅樹下，定有詠

花人流星浮酒泛，栗瑱繞杯脣。何勞一片雨，喚作陽臺神。

逍遙遊桂苑，寂絕到

藝文作想

桃源狹石分花徑。長

橋映水門，管聲驚百鳥。人衣香一園，定知歡未足。橫琴坐石根。

三春冠蓋聚，八節管絃遊。石險松橫植，巖懸澗豎流。小橋飛斷岸，高花出迴樓。定須催十酒，將來宴五侯。

高閣千尋起，長廊四注連。歌聲上扇月，舞影入

琴絃澗水纔窓外，山花卽眼前。但願長歡樂，從
今盡百年。

日晚金槌絡。

一作路

朱軒流水車，轆拂緣堤柳。甍

飄夾路花，定迎劉碧玉。將過陰麗華，非是高陽
路。莫畏接羅斜。

徘徊出桂苑，徙倚就花林。下橋先勸酒，跂石始
調琴。蒲低猶抱節，竹短未空心。絕愛猿聲近，唯
憐花徑深。

千尋木蘭館，百尺芙蓉堂。落日低蓮井，行雲礙

菱梁流水桃花色、春洲杜若香、就階猶不進、催
來上伎床、

搗衣明月下、靜夜秋風飄、錦石平砧面、蓮房接
杵腰、急節迎秋韻、新聲入手調、寒衣須及早、將
寄霍嫖姚、

出沒看樓殿、間闌望綺羅、翔禽逐節舞、流水赴
絃歌、細管吹蘼竹、新杯捲半荷、南宮冠蓋下、日
暮風塵多、

玉柙珠簾捲、金鈎翠幔懸、荷香薰水殿、閣影入

池蓮平沙臨浦口、高柳對樓前、上橋還倚望、遙
看採菱船、

高閣千尋跨、重簷百丈齊、雲度三分近、花飛一
倍低、吹簫迎白鶴、照鏡舞山雞、何勞愁日暮、未
有夜烏啼、

河流值淺岸、歛轡暫經過、弓衣濕濺水、馬足亂
橫波、半城斜出樹、長林直枕河、今朝遊俠客、不
畏風塵多、

度橋猶徙倚、坐石米傾壺、淺草開長埭、行營繞

細厨沙洲兩鶴迴石路一松孤自可尋丹竈何
勞憶酒壚

上林春逕密浮橋柳路長龍媒逐細草鶴擎映
垂楊水似桃花色山如甲煎香白石春一作清泉
上誰能待月光

白石春泉滿黃金新埒開戚里車先度蘭池馬
卽來落花承舞席春衫拭酒杯行厨半路待載
妓一雙迴

將軍息邊務校尉罷從戎池臺臨戚里絃管入

新豐浮雲隨走馬、明月逐彎弓、比來多射獵、唯
有上林中、

三危上鳳翼、九坂度龍鱗、路高山裏樹、雲低馬
上人、懸巖泉溜響、深谷鳥聲春、任馬來相問、應
知有姓秦、

聊開鬱金屋、暫對芙蓉池、水光連岸動、花風合
樹吹、春杯猶雜泛、細菓尚連枝、不畏歌聲盡、先
看箏柱欹、

洞靈開靜室、雲氣滿山齋、古松栽數樹、盤根無

半埋愛靜魚爭樂。依人鳥入懷。仲春徵隱士。蒲
輪上計偕。

今朝好風日。園苑足芳菲。竹動蟬爭散。蓮搖魚
暫飛。面紅新著酒。風晚細吹衣。跣石多時望。蓮
船始復歸。

金鞍聚磧岸。玉舳泛中流。畫鷁先防水。媒龍卽
負舟。沙城疑海氣。石岸似江樓。崩槎時半沒。壞
舸或空浮。定是汾河上。戈船聊試遊。

竟日坐春臺。芙蓉承酒盃。水流平澗下。山花滿

谷開行雲數番過、白鶴一雙來、水影搖菰竹、林
香動落梅、直上山頭路、羊腸能幾迴、

鏡

玉匣聊開鏡、輕灰暫拭塵、光如一片水、影照兩
邊人、月生無有桂、花開不逐春、試挂淮南竹、堪
能見四隣、

梅花

常年臘月半、已覺梅花闌、不信今春晚、俱來雪
裡看、樹動懸冰落、枝高出手寒、早知覓不見、真

悔著衣單

詠樹

交柯乍百頃，擢本或千尋。
楓子留爲式，桐孫待作琴。
殘核移桃種，空花植棗林。
幽居對蒙密，蹊徑轉深沉。

鬪雞

以下三首闕文

開軒望平子，驟馬看陳王。
狸膏熏鬪敵，芥粉盪春塲。
解超蓮花動，猜羣錦臆張。

應令

望別非新館、開舟卽舊灣、浦喧征棹發、亭空送客還、路塵猶向水、征帆獨背關、

杏花

春色方盈野、枝枝綻翠英、依稀暎村塢、爛熳開山城、好折待賓客、類苑作旅金盤襯紅瓊、

集周公處連句

市朝一朝變、蘭艾本同焚、故人相借問、平生如所聞、

寄徐陵

故人倘思我及此平生肯莫待山陽路空聞吹笛悲

寄王琳

玉關道路遠、金陵信使疎、獨下千行淚、開君萬里書、

奉和趙王

花徑日相携、花林鳥未棲、比看中郎醉、堪聞烏夜啼、

和劉儀同臻

南登廣陵岸，迴首落星城。不言登舊浦，烽火照江明。

和庾四

離關一長望，別恨幾重愁。無妨對春日，懷抱只言秋。

和侃法師三絕

一作和侃法師別詩

秦關望楚路，灞岸想江潭。幾人應淚落，看君馬向南。

客遊經歲月，灞旅故情多。近學衡陽鴈，秋分俱

渡河。

迴首河堤望，眷眷嗟離絕。誰言舊國人，到在他鄉別。

送周尚書弘正二首

交河望合浦，玄菟想朱鳶。共此無期別，知應復幾年。

離期定已促，別淚轉無從。惟愁郭門外，應足數株松。

重別周尚書二首

陽關萬里道，不見一人歸。
唯有河邊鴈，秋來南向飛。

河橋兩岸絕，橫岐數路分。
山川遙不見，懷袖遠相聞。

贈別

藏啼留送別，拭淚強相參。
誰言畜衫袖，長代手中綏。

徐報使來止得一相見

一面還千里，相思那得論。
更尋終不見，無異桃

山齋

石影橫臨水，山雲半繞峯。
遙想山中店，懸知春酒濃。

野步

直泉仍飲馬，逢花卽舉杯。
稍看城闕遠，轉見風雲來。

山中

澗、暗、泉、偏、冷、巖、深、桂、絕、香、
住、中、能、不、去、非、獨、淮、南、王、

閨怨

明鏡圓花發、空房故怨多、幾年留織女、還應聽
渡河、

和趙王看妓

長思浣紗石、空想

一作定憶

搗衣砧、臨邛若有便、

一作

使爲說解琴心、

看舞

鸞迴不假學、鳳舉自相關、到嫌衫袖廣、恒長礙
舉鬟、

花源

行途賦得四更應詔

四更天欲曙，落月垂關下。
深谷暗藏人，欹松橫礙馬。

和江中賈客

樂府作賈客詞

五兩開船頭，長橋發新浦。
懸知岸上人，遙振江中鼓。

奉和平鄴應詔

天策引神兵，風飛掃鄴城。
陣雲千里散，黃河一

代清

送衛王南征

望水初橫陣，移營寇未降。
風塵馬足起，先暗廣陵江。

仙山二首

金竈新和藥，銀臺舊聚神。
相看但莫怯，先師應識人。

石軟如香飯，鉛銷似熟銀。
蓬萊暫近別，海水遂成塵。

聽歌

協律新教罷、河陽始學歸、但令聞一曲、餘聲三日飛、

暮秋野興賦得傾壺酒

劉伶正促酒、中散欲彈琴、但使逢秋菊、何須就竹林、

對酒

數盃還已醉、風雲

一作春風

不復知、唯有龍吟笛、桓

伊能獨吹、

春日極飲

檻前聞鳥嘯、園裡對花開、就中言不醉、細袖捧金盃、

春望

春望上春臺、春窓四面開、落花何假拂、風吹會併來、

新月

鄭環唯半出、秦鈎本獨懸、若交臨酒影、堪言照琴絃、

秋日

蒼茫望落景、羈旅對窮秋、
賴有南園菊、殘花足解愁、

望渭水

樹似新亭岸、沙如龍尾灣、
猶言吟暝浦、應有落帆還、

塵鏡

明鏡如明月、恒常置匣中、
何須照兩鬢、終是一秋蓬、

和淮南公聽琴聞絃斷

嗣宗看月夜，中散對行雲。
一絃雖獨韻，猶足動文君。

弄琴二首

雉飛催晚別，烏啼驚夜眠。
若交新曲變，惟須促一絃。

不見石城樂，惟聞烏噪林。
新聲逐絃轉，應得動春心。

詠羽扇

搖風碎朝翮，拂汗落毛衣。定似回谿路，將軍垂翅歸。

題結綫袋子

交絲結龍鳳，鏤彩織雲霞。一寸同心縷，千年長命花。

賦得鸞臺

九成吹玉琯，百尺上瑤臺。能將秦女去，終是鳳凰來。

賦得集池鴈

逢風肯迴度，逐侶乍爭飛。猶憶方塘水，今秋已復歸。

詠鴈

初學作周弘正非

南思洞庭水，北想鴈門關。稻梁俱可戀，飛去復飛還。

忽見檳榔

綠房千子熟，紫穗

集作穗

百花開。莫言行萬里，曾

經相識來。

賦得荷

秋衣行欲製，風蓋漸應欹。
若有千年蔡，須巢但見隨。

移樹

酒泉移赤柰，河陽徙石榴。
雖言有千樹，何處似封侯。

奉梨

接枝秋轉脆，含清落更香。
擎置仙人掌，應添瑞露漿。

傷往二首

見月長垂淚。看花定歛眉。從今一別後。知作幾年悲。

鏡塵言苦厚。蟲絲定幾重。還是臨窓月。今秋迥照松。

春日離合二首

秦青初變曲。未有逐琴心。明年花樹下。月月相尋。

春字

田家足閒暇。士友暫流連。三春竹葉酒。一曲鷄

雞絃。

日字

和湘東王後園迴文

早蓮生竭鑊，嫩菊養秋隣。
滿池留浴鳥，分橋上戲人。

問疾示封中錄

形骸違學宦，狹巷幸爲閒。
虹迴或有雨，雲合又含寒。
橫湖韻鶴下，迴溪狹猿還。
懷賢爲榮衛，和緩惠綺紈。
疑是何丸

示封中錄二首

似吃語詩

貴館居金谷，關扃隔藁街。
冀君見果顧，郊間光

景佳

高階既激澗，廣閣更交柯。
葛巾久垂角，菊逕簡經過。

秋夜望單飛鴈

以下
七言

失群寒鴈聲可憐，夜半單飛在月邊。
無柰人心復有憶，今暝將渠俱不眠。

代人傷往二首

青田松上一黃鶴，相思樹下兩鴛鴦。
無事交渠更相失，不及從來莫作雙。

雜樹本唯金谷苑諸花舊滿洛陽城正是古來
歌舞處今日看時無地行

本傳

庾信字子山，南陽新野人也。祖易齊徵士，父肩吾，梁散騎常侍中書令。信幼而俊邁，聰敏絕倫，博覽群書，尤善春秋左氏傳。身長八尺，腰帶十圍，容止頽然，有過人者。起家湘東國常侍，轉安南府參軍，皆肩吾爲梁太子中庶子，掌管記。東海徐摛爲左衛率，摛子陵及信並爲抄撰學士。父子在東宮，出入禁闥，恩禮莫與比隆。既有盛才，文並綺豔，故世號爲徐庾體焉。當皆後進，競

相模範、每有一文、京都莫不傳誦、累遷尚書度
支郎中、通直正員郎、出爲郢州別駕、尋兼通直
散騎常侍、聘于東魏、文章辭令、盛爲鄴下所稱、
還爲東宮學士、領建康令、侯景作亂、梁簡文帝
命信率宮中文武千餘人、營於朱雀航、及景至、
信以衆先退、臺城陷後、信奔于江陵、梁元帝承
制、除御史中丞、及卽位、轉右衛將軍、封武康縣
侯、加散騎常侍、來聘于我、屬大軍南討、遂留長
安、江陵平、拜使持節、撫軍將軍、右金紫光祿大

夫大都督、尋進車騎大將軍、儀同三司。孝閔帝踐祚，封臨清縣子，邑五百戶。除司水下大夫，出爲弘農郡守，遷驃騎大將軍，開府，儀同三司。司憲中大夫，進爵義城縣侯。俄拜洛州刺史。信多識舊章，爲政簡靜，吏民安之。嘗陳氏與朝廷通好，南北流寓之士各許還其舊國。陳氏乃請王褒及信等十數人。高祖唯放王克、殷不害等，信及褒並留而不遣。尋徵爲司宗中大夫。世宗高祖並雅好文學，信特蒙恩禮。至於趙勝諸王、周

旋欸至。有若布衣之交。群公碑誌。多相請託。唯
王褒。頗與信相埒。自餘文人。莫有逮者。信雖位
望通顯。常有鄉關之思。乃作哀江南賦。以致其
意。大象初。以疾去職。卒。隋文帝深悼之。贈本官。
加荆淮二州刺史。子立嗣。

史臣曰。兩儀定位。日月揚暉。天文彰矣。八卦以
陳。書契有作。人文詳矣。若乃墳索所紀。莫得而
云。典謨以降。遺風可述。是以曲阜多才。多藝鑒
二代。以正其本。闕里性與天道。修六經以維其

未故能範圍天地。綱紀人倫。窮神知化。稱首於
千古。經邦緯俗。藏用於百代。至矣哉。斯固聖人
之述作也。逮乎西周道喪。七十義乖。淹中稷下。
八儒三墨。辨博之論蜂起。漆園黍谷。名法兵農。
宏放之詞霧集。雖雅誥與義。或未盡善。考其所
長。蓋賢達之源流也。其後逐臣屈平。作離騷以
叙志。宏才豔發。有惻隱之美。宋玉南國詞人。追
逸轡而亞其迹。大儒荀況。賦禮智以陳其情。含
章鬱起。有諷諭之義。賈生洛陽才子。繼清景而

奮其暉。並陶鑄性靈。組織風雅。詞賦之作。實爲其冠。自是著述滋繁。體制匪一。孝武之後。雅尚斯文。揚葩振藻者如林。而二馬王楊爲之傑。東京之朝。茲道愈扇。咀徵含商者成市。而班傳張蔡爲之雄。當塗受命。尤好蟲篆。金行勃興。無替前烈。曹王陳阮負宏衍之思。挺棟幹於鄧林。潘陸張左擅侈麗之才。飾羽儀於鳳穴。斯並高視當世。連衡孔門。雖皆運推移。質文屢變。譬猶六代並奏。易俗之用無爽。九流競逐。一致之理同。

歸歷選前英於茲爲盛。旣而中州版蕩，戎狄交
侵，僭僞相屬，士民塗炭，故文章黜焉。其潛思於
戰爭之間，揮翰於鋒鏑之下，亦往往而間出矣。
若乃魯徽、杜廣、徐光、尹弼之疇，知名於二趙。宋
謚封奕、朱彤、梁譙之屬，見重於燕秦。然皆迫於
倉卒，牽於戰爭，竟奏符檄，則粲然可觀。體物緣
情，則寂寥於世，非其才有優劣，皆運然也。至朔
漠之地，葺爾夷俗，胡義周之，頌國都，足稱宏麗。
區區河右，而學者埒於中原，劉延明之銘酒泉，

可謂清典。子曰十室之邑，必有忠信，豈徒言哉。
洎乎有魏，定鼎沙朔，南包河淮，西吞關隴，當崑
之士，有許謙、崔宏、崔浩、高允、高閭、游雅等，先後
之間，聲實俱茂，詞義典正，有永嘉之遺烈焉。及
太和之辰，雖復崇尚文雅，方驂並路，多乖往轍。
涉海登山，罕值良寶。其後袁翻才稱澹雅，常景
思標沉鬱，彬彬焉蓋一峯之俊秀也。周氏創業，
運屬陵夷，纂遺文於旣喪，聘奇士如弗及。是以
蕭亮、蕭綽、盧柔、唐瑾、元偉、李昶之徒，咸奮鱗翼。

自致青紫。然綽建言。務存質朴。遂糠粃魏晉憲
章虞夏。雖屬詞有師古之美。矯枉非適。皆之用
故。莫能常行焉。旣而革車電邁。渚宮雲撤。爾其
荆衡杞梓。東南竹箭。備器用於廟堂者衆矣。唯
王褒庾信。竒才秀出。牢籠於一代。是皆世宗雅
詞雲委。滕趙二主。雕章間發。咸築宮虛館。有如
布衣之交。由是朝廷之人。間閭之士。莫不忘味
於遺韻。眩精於未光。猶邱陵之仰嵩岱。川流之
宗溟渤也。然則子山之文。發源於宋末。盛行於

梁季其體以潘放爲本。其詞以輕險爲宗。故能
誇目侈於紅紫。蕩心逾於鄭衛。昔楊子雲有言
詩人之賦麗以則。詞人之賦麗以淫。若以庾氏
方之。斯又詞賦之罪人也。原夫文章之作。本乎
情性。覃思則變化無方。形言則條流遂廣。雖詩
賦與奏議異軫。銘誄與書論殊塗。而撮其指要。
舉其大抵。莫若以氣爲主。以文傳意。考其殷最。
定其區域。櫛六經百氏之英華。採屈宋卿雲之
秘奧。其調也尚遠。其旨也尚深。其理也貴當。其

辭也。欲巧。然後瑩金璧。播芝蘭。文質因其宜。繁約適其變。權衡輕重。斟酌古今。和而能壯。麗而能典。煥乎若五色之成章。紛乎猶八音之繁會。夫然則魏文所謂通才。足以備體矣。士衡所謂難能。足以逮意矣。

庾開府集卷二終

題詞卷二終

題詞卷二終

天竺僧人題詞卷二終

題詞卷二終

題詞卷二終



